



**Broj: 01-247/17**  
**Vareš, 30.11. 2017. godine**

Na osnovu člana 22. Statuta Općine Vareš (prečišćeni tekst) broj:01-162/12 od 11.09.2012. godine i člana 100. i 107. Poslovnika o radu Općinskog vijeća Vareš (prečišćeni tekst) broj:01-109/09 od 29.04.2009. godine i broj:01-16/12 od 30.01. 2012. godine, na prijedlog Općinskog načelnika, Općinsko vijeće Vareš na 12. sjednici održanoj 30.11.2017. godine d o n o s i

## **Z A K L J U Č A K**

1. Općinsko vijeće Vareš pokreće inicijativu prema Federalnom ministarstvu prometa i komunikacija, za zadržavanje postojeće kategorije magistralne ceste II reda M214 Ribnica-Podkamensko-Vareš-Breza –Podlugovi.
2. Traži se od Federalnog ministarstva prometa i komunikacija da u trenutnoj fazi pripreme nove ili izmjene postojeće Odluke o kategorizaciji cesta u autoceste i brze ceste, magistralne ceste i regionalne ceste (Službene novine Federacije BiH, broj: 24/14) kao nosioca ovih aktivnosti, da magistralna cesta II reda M214 Ribnica – Podkamensko – Vareš – Breza – Podlugovi zadrži ovu kategoriju.

### **Obrazloženje**

Odlukom o kategorizaciji cesta u autoceste i brze ceste, magistralne ceste i regionalne ceste (Službene novine Federacije BiH, broj: 24/14), ranija regionalna cesta R-444 Podlugovi – Breza – Vareš je prekategorišana u magistralnu cestu II reda M214 Ribnica – Podkamensko – Vareš – Breza – Podlugovi. Odlukom o izmjeni odluke o kategorizaciji cesta u autoceste i brze ceste, magistralne ceste i regionalne ceste, broj 2016/2014 od 13.11.2014.g., izmijenjen je datum početka primjene ove Odluke sa 15.11.2014.g. na 15.03.2018.g.

S obzirom da se bliži početak primjene ove Odluke, a kako je Vlada Federacije BiH imenovala komisiju za analizu i izmjenu postojeće Odluke ili pripremu prijedloga nove Odluke o kategorizaciji cesta u autoceste i brze ceste, magistralne ceste i regionalne ceste, Općinsko vijeće Vareš traži od Federalnog ministarstva prometa i komunikacija i navedene komisije da magistralna cesta II reda M214 Ribnica – Podkamensko – Vareš – Breza – Podlugovi zadrži kategoriju magistralne ceste II reda.

Postojeća magistralna cesta II reda M214 Ribnica – Podkamensko – Vareš – Breza – Podlugovi predstavlja veoma značajnu saobraćajnu vezu i kontinuitet povezivanja magistralnih cesta i autoceste na koridoru Vc. Naime, ova se magistralna cesta II reda povezuje na jednoj strani sa magistralnom cestom II reda M213 Žepče – Zavidovići – Ribnica – Banovići – Živinice a na drugoj strani sa autocestom A1 na koridoru Vc u naselju Podlugovi. Njena dužina je 70,5 km. Cijelom dužinom ova magistralna cesta II reda od Podlugova do Vareša i planine Zvijezda je sa asfaltnim kolovozom koji je u prilično dobrom stanju. Prosječna širina asfaltnog kolovoza ja 5,5 - 6,0 metara.

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba



Dodatno su izgrađene obostrane bankine širine po 0,5 m. Na prolazu kroz Brezu i Vareš izgrađene su obostrane pješačke staze.

Zadržavanjem postojeće kategorije ove ceste (magistralne ceste II reda), stvaraju se preduslovi za bolje saobraćajno povezivanje Općine Breza i Općine Vareš sa glavnim gradom BiH kao i sa autocestom na koridoru Vc, bolji i brži privredni razvoj područja kroz koji ova cesta prolazi koji je na veoma niskom nivou kao i poboljšanje kvaliteta i gustine cestovne mreže na ovom području koja je veoma rijetka, kada se govori o gustini mreže magistralnih cesta. Posebno je bitno istaći da na području kojim prolazi ova magistralna cesta egzistira nekoliko većih privrednih subjekata kao što je prije svega Rudnik mrkog uglja Breza, te drugi privredni subjekti sa većim brojem zaposlenih lica, historijska i turistička područja, prirodna bogatstva (šumski potencijal i mineralne sirovine - rude) te sportski i obrazovni centri. Posmatrano u funkciji povezivanja mreže cesta iste ili veće kategorije, ova cesta bi povezivala autocestu A1 na koridoru Vc sa magistralnom cestom II reda M213 Žepče – Zavidovići – Ribnica – Banovići – Živinice.

S obzirom na naprijed navedeno, molimo da kroz pripremu nove ili izmjenu postojeće Odluke o kategorizaciji cesta u autoceste i brze ceste, magistralne ceste i regionalne ceste (Službene novine Federacije BiH, broj: 24/14), magistralna cesta II reda M214 Ribnica – Podkamensko – Vareš – Breza – Podlugovi zadrži ovu kategoriju.

3. Za praćenje realizacije ovog Zaključka zadužuje se Općinski načelnik i nadležna služba za upravu Općine Vareš.
4. Prihvaćena Inicijativa Općinskog načelnika čini sastavni dio ovog Zaključka.
5. Ovaj Zaključak stupa na snagu danom donošenja.

**PREDSJEDAVAJUĆI  
OPĆINSKOG VIJEĆA**

**Kenan Kamenjaš**